



## **Universitätsbibliothek Paderborn**

**Occupatio animae Jesu Christo crvcifixo devote.**

**Leroy, François**

**Pragae, 1666**

§.2. Quae cum in finem specialiter videantur observanda.

[urn:nbn:de:hbz:466:1-47123](#)

maillam nobis mortem Unigeniti per mysterium reparat, qui licet resurgens a mortuis jam non moritur; tamen in seipso immortaliter atque incorruptibiliter vivens, pro nobis iterum in hoc mysterio sacre oblationis immolatur. vel ut alij legunt: c. Quid sit, decens. d. 2.

Eique consonans S. Joannes Damascenus: *Ille, inquit, Dei Agnus qui mundi peccatum tollit, mysticam discipulis suis de assumpta canam tradidit, ipsisque sese velut vitulum saginatum mactavit, ac vere vitis uiam tanquam in torculari expressit.* In quibus habes manifeste mactationem corporis, & expressiōnem sanguinis, ac proinde vivam passionis ac mortis Christi repräsentandam apposita & accommodata esse; nihil necesse sit alios Patres adducere.

Omitto itidem: reliqua quæ in ipsa Missæ celebratio ne geruntur, partes ejus singulas, ac ritus omnes, ipsumque etiam sacrificantis ornatum & habitum, ad Christi passionem repräsentandam apposita & accommodata esse; ut videre licet apud alios.

Ex his autem rectè concludit Doctor Seraphicus, scribens in quartum sententiarum: *Si ergo accedit affectum a. 12, p. 2. passio descripta, & amplius ferventer prædicata; multò magis a. 1. inflammare & afficere debet in hoc Sacramento expressa.* Et hoc absque dubio facit, si quis sensum habet, & illum convertit ad hoc Sacramentum.

### §. 2.

*Quæcum in finem specialiter videantur observanda.*

VI T igitur eā, quam res postulat, religione, Missæ Sacrificio assūtamus; tria præsertim nobis observanda sunt:

Primum: ut ad Ecclesiam rei sacræ causā concedentes, complurium Sanctorum exemplo, ita assūtamus ac perinde inducamus animum, quasi non alicui passionis Domini-

minicæ representationi duntaxat ad futuri, sed ipsam reverâ Christi passionem, atque cruentam immolationem, in monte Calvario spectaturi simus. Ita enim fiet, ut passionis ac mortis Christi mysteria, tanquam si coram gerentur intuentes, majorem ad illa attentionem animi ac reverentiam adferamus, eosdēique propè experiamur affectus, quos vel ijs senserunt, qui patientem Christum coram spectarunt, vel nos ipsi experti fuissemus, si eum reipsâ illi tormentorum acerbitati subjectum, ipsis oculis contemplati essemus.

*I. 4. myst.  
Miss. c. 1.*

*Alterum: ut præsertim sub ipsum tempus consecrationis (quod Innocentius III. scitè appellat *cor divini sacrificij*) exsuscitemus fidem ac devotionem nostram, atque in Hostiæ elevatione, qua (ex sensu S. Damasceni inferius citandi) corporis Christi in erucem sublationem significat, mentis oculis ipsum intueamur veluti in cruce pendentem, plagiis lacerum ac cruentatum; & ex ejus apertis vulneribus sacram sanguinem largiter decurrentem in terram.*

*Ad quod etiam nos hortatur S. Joannes Chrysostomus, dum ait: *Quando mysterium propositum fuerit, dic item: Hoc est illud corpus, quod fuit cruentatum & casum flagris, in erucem actum & clavis confixum, quod percussum, universo orbi terrarum salutares emisit fontes.**

*Quas profectò cogitationes, inter sacra mysteria, plerique Christiani susciperent, non adeo remissè ac frigide, ne dicam irreligiosè aut impiè, quotidianis illis (ut Ruperthus appellat) *Salvatoris exequijs* interessent. Expediet etiam ad uberiorem animæ nostra profectum, ut ipso Sacrificij tempore, nosmetipso Dœo una cum Christo, tanquam hostiam secundariam, primarij illi ac principali viciimæ adjunctam atque subnexam, per perfectam nostram (quoad ejus fieri poterit) abnegationem immolemus. Hæc enim pura nostri oblato, per se quidem pretiosa apud Deum,*

*Hom. 24.  
in 1. Cor.*

*I. 2. de diu.  
offic. c. 10.*

Deum, multò tamen ei gratiōsior evadet, si per eam quādixi, cum dignissima illa hostia conjunctionem, ejus dignitate quodammodo aspersa, ejusve sanguine veluti tintæ apparet. Audiamus omnes, & præsertim Sacerdotes, Magnum Gregorium hoc ipsum disertè graviterque præcientem: *Necesse est ut cùm hec agimus, nosmetipſos Deo in cordis contritione maſtemus: quia qui paſſionis Dominica myſteria celebramus, debemus imitari quod agimus.* Tunc ergo verè pro nobis hostia erit Deo (scilicet Christus) cùm nosmetipſos hostiam fecerimus. Quibus videri potest ad ea respexisse, quæ itidem S. Cyprianus Sacerdotibus præcipit, his verbis: *Ille Sacerdos vice Christi verè fungitur, qui quod Christus fecit, imitatur: & sacrificium plenum ac verum tunc offert ad Cacil. Deo Patri, si sic incipiat offerre, secundūm quod ipsum Christum videat obtulisse.*

Postremum denique: ut à Sacrificio revertentes, impressam menti passionis Christi imaginem, & inde cōceptos sanctos affectus, in diei reliquum solerter retinere curemus; seu (ut rursum cum S. Gregorio loquar) *in quantum Deo largiente poſsumus, in ipſo animum ſuo pondere & vigore seruemus; ne pōt cogitatio fluxa diſſolvat, ne vanamenti letitia irrepat, & lucrum compunctionis anime per incuriam fluxa cogitationis perdat.*

Perinde itidem ac si, post ſpectatum cruentum Christi crucifixionis Sacrificium, de monte Calvariae descendemus, inque eorum numero effemus, de quibus scriptum est: *Et omnia turba eorum qui ſimul aderant ad ſpectaculum iſtud, percutientes peitora ſua reverebantur.* *Luc: 23.*

### §. 3.

*Eandem præceptionem peculiarius ad Sacerdotem Sacrum facientem pertinere.*

Ed quoniam, ut dicere coepimus, Sacerdotes præsertim conuenit, qui hoc in munere Christum ipsum crucifixum